

MEI 2015

**KEMURIDAN: MISI KE ARAH TRANSFORMASI KEMANUSIAAN
BERKUMPUL DALAM KESATUAN**

FOKUS:

Allah telah memberikan kita kebolehan untuk melayani dan membangunkan masyarakat.

LAGU PEMBUKAAN: KITA SATU DALAM ROH

1. *Kita satu dalam roh, satu dalam Tuhan...2x
dan bersyukur semua 'kan dijadikan baru.*

*Cho: saling kasih-mengasihi sesama kita,
Orang lain kenal kita anak-Nya.*

2. *Kita jalan bersama, jalan serta Tuhan....2x
C'ritakanlah tentang kedatangan Almasih*

3. *Pujilah Allah Bapa ker'na anug'rahnya, dan bagi Yesus Kristus Anak tunggal Bapa.
Pujilah Roh Kudus yang mempersatukan kita.*

DOA PEMBUKAAN:

(Jemput salah seorang anggota KED untuk memimpin dalam doa pembukaan)

LIHAT KEPADA KEHIDUPAN:

Teresa telah dibaptis pada malam Paska. Dia berasa sangat senang dan gembira dengan pembaptisan itu. Pada suatu hari, dia telah disapa oleh dua orang teman dari Ahli Jawatankuasa Gereja (KED) yang menjemputnya untuk mengikuti komiti Liturgi. Semua orang tahu bahawa Teresa mempunyai suara yang lunak dan boleh membaca dengan baik. Teresa, bagaimanapun terkejut dan berkata, ***“semasa saya dibaptis pada malam Paska, saya berasa sungguh gembira. Saya juga suka untuk datang ke Gereja bagi merayakan misa setiap hari Ahad. Saya seronok duduk bersama umat dan berdoa. Tetapi saya tidak mahu untuk berdiri di depan dan membaca kerana perkara ini terlalu menyusahkan bagi saya. Terima kasih.”***

Walaupun Teresa telah menolak pelawaan mereka, namun mereka tidak pernah berputus asa namun meyakinkan Teresa akan panggilannya sebagai pengikut Kristus. Mereka berulang kali menjemput Teresa untuk bersama-sama dengan mereka dalam pelayanan di Gereja. Lama-kelamaan Teresa mulai memahami peranannya sebagai pengikut Kristus dan dia mula mengatakan ” YA” pada panggilan Tuhan untuk melayani di Gereja.

Renungan:

- Pada pendapat anda, apakah sebabnya Teresa menolak untuk menggunakan anugerah yang diberikan kepadanya?
- Apakah tugas yang boleh dikongsikan oleh ahli di dalam KED?

SABDA ALLAH: Efesus 4:11-16

- Kita membaca teks tersebut sebanyak dua kali.
- Kita memetik frasa pendek dari teks yang menyentuh perasaan kita dan membacanya dengan suara yang kuat dan jelas sebanyak tiga kali. Baca setiap frasa diselang-selingi saat-saat senyap.
- Kita mengambil masa dua minit untuk mendengar pesanan Tuhan.
- Kita kongsi antara satu sama lain pesanan Tuhan terhadap kita berpandukan frasa-frasa yang menyentuh perasaan kita dalam kumpulan kecil.

AKTIVITI KUMPULAN:

- Marilah kita saling meneguhkan anugerah yang kita terima daripada Allah, dengan menyatakan pada orang di sekeliling kita akan anugerah-anugerah yang mereka miliki.

HIDUP DALAM KASIH:

- Sebagai salah seorang ahli keluarga (datuk, nenek, bapa, ibu, anak lelaki, anak perempuan), Apakah anugerah yang Tuhan telah berikan kepada saya untuk melayani dan membangun keluarga saya.
- Sebagai ahli KED, dalam masyarakat Kristian yang kecil, apakah yang telah diberikan oleh Allah kepada saya untuk melayani dan membangun KED, iaitu Tubuh Kristus.

DOA PENUTUP:

(Mintalah setiap KED berdoa untuk keperluan KED, Gereja dan Negara)

- Kita percaya Allah telah memberikan anugerah kepada kita, dan komuniti telah membantu kita untuk mengenal dan menggunakan anugerah yang kita miliki.
- Kita berterima kasih kepada Allah yang memberikan anugerah kepada komuniti kita untuk membantu kita dalam perjalanan kehidupan kita dan menjadi saksi kasih Kristus kepada sesama.

LAGU PENUTUP: JADIKAN KAMI SATU

*Satukan kami, satu dalam kuasa-Mu, Sebab ka--mi bersaudara
Biar kami satu, seperti Kau dan Bapa satu, Dunia lihat Kau dalam kami.*

*Jadikan kami sehati sefikir, Biar kehendak-Mu jadi
'tuk menyatakan rahmat-Mu, Jadikan ka—mi satu*

TAMBAHAN BACAAN

Dunia kita terpecah-belah oleh peperangan dan keganasan dan terluka disebabkan oleh sikap individualistik yang membagikan manusia, yang saling melagakan sesama sambil mencari kepentingan pribadi.

Di beberapa Negara, konflik dan pembahagian lama yang lalu mula muncul kembali, Saya menyeru terutama kepada komuniti Kristian di seluruh dunia untuk menawarkan kesaksian dan persekutuan persaudaraan yang menarik. Biarlah semua orang mengagumi bagaimana kamu saling ambil berat terhadap sesama, dan bagaimana kamu mendorong dan menemani sesama: “Dengan ini semua orang tahu kamu adalah murid-murid-Ku jika kamu mempunyai kasih terhadap sesama” (Yoh 13:35)

Ini merupakan ungkapan doa dari hati Yesus kepada Bapa-Nya: Semoga mereka menjadi satu dengan kitasupaya dunia percaya.” (Yoh 17:21)

Berwaspadalah terhadap godaan kecemburuan! kita semua berada dalam satu kapal dan mengarah ke pelabuhan yang sama. Marilah kita mohon rahmat sukacita dari Allah. (EG, n. 99)